



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1628. usque ad annum 1634

Fleury, Claude

August. Vind. [u.a.], 1778

VD18 90118871

§. 27. Nuptiæ Ferdinandi III. Hungariæ Regis cum Maria Philippi IV. Regis
Sorore.

[urn:nbn:de:hbz:466:1-67394](https://nbn-resolving.org/urn:nbn:de:hbz:466:1-67394)

Abbatibus, ut Provinciæ nomine, census conferrent, præcepit, omnesque eorum proventus detineri, ablatisque clavibus ex granariis frumentum divendi jussit, pariter, ne ex sylvis suis arbores cæderent, vel venderent, inhibuit, cunctosque Abbates vi compulit, ut salaria Prædicantibus numerarent. Paulopost in Altorffensi oppido Lutherani Sacerdotem Catholicum, eoquod monitus e Cathedra descendere renuerit, pedibus inde raptarunt.

Sæc. XVII.
A. C. 1631.

§. XXVII.

*Nuptiæ Ferdinandi III. Hungariæ
Regis cum Maria Philippi IV.
Regis Sorore.*

Interim Maria Philippi III. Hispaniæ Regis Filia, olim Carolo Walliæ Principi destinata nunc vero meliori sorte Ferdinando III. Hungariæ Regi desponsata, iter ex Hispania Viennam intenderat. Jamjam die vigesima quinta Aprilis anno hujus sæculi vigesimo nono Madriti Regia Sponsa per Alphonsum Perez de Gusman Indiarum Patriarcham solemnè precatione præfato Hungariæ Regi matrimonio juncta erat: ingruentibus tamen variis obstaculis ejusdem discessus usque ad diem vigesimam sextam Decembris differebatur.

Hist. Eccles. Tom. LIX.

Hh

tur,

Sæc. XVII. tur, qua tandem die Madrito profecta
 A. C. 1631. est, comitantibus eam ipso Rege Phi-
 lippo IV. ejusque duobus Fratribus,
 aliisque primæ Nobilitatis Proceribus,
 atque Ecclesiasticis quamplurimis, qui
 inter numerabatur etiam Joannes de
 Palafox, Zeli Apostolici, scientiæ et
 sanctitatis fama longe celeberrimus,
 qui Reginæ a Sacellis, eandem unam
 cum fratre suo Marchione de Harin
 Viennam usque comitabatur. Die octa-
 va Februarii Barcinonem adveniens
 Sponsa, inde vero duodecima Junii
 solvens, decima nona ejusdem Mes-
 sis in Genuensem portum invecta est.
 Eo Pontifex Antonium Cardinalem
 Barbarinum Nepotem suum Reginam
 salutatum decreverat, peste autem
 Mediolani ac Bonnoniæ grassante Car-
 dinalis Spinola, qui tum Genuæ age-
 bat, hoc obsequii genus deferre jube-
 batur: tum vero Pontifex per Savel-
 lium Principem ex Dietrichsteinio Car-
 dinale, & Khevenhillero Comite scilicet
 tabatur, utrum Regina Legatum Pon-
 tificium novo nomine *Eminentissimi* ho-
 norare intenderet? cui tamen respon-
 sum, quod novum Pontificis decretum
 nec Cæsareos nec Regios Principes con-
 cerneret, aliunde vero Cæsar, qui
 hac in re agere vellet, nondum decre-
 visset. Tandem vero Regina die octava

Augusti Neapolin concessit, ubi usque ad decimam octavam Decembris comorata, terrestri itinere Lauretum petiit, ibi a Thadæo Barberino, nomine Pontificis Regio curru excepta, die decima tertia Januarii hoc anno Anconam, ac inde Tergestum die vigesima sexta ejusdem Mensis pervenit, ubi ab Archiduce Leopoldo salutata per Carinthiam & Styriam tandem die vigesima sexta Februarii Viennam deducta est; proxima autem die matrimonium inter Regios sponso mutuo consensu confirmatum fuit, bene precante Legato Apostolico Dietrichsteinio Cardinale, & Cæsare, totaque familia Augustissima præsentibus. Festivæ hujus solemnitatis lætitiæ non parum interturbabant crebræ Turcarum in Hungariam irruptiones; nuntiatum enim erat, quod hi violata nupera pace triginta pagos incendio devastarint, ac inhumana crudelitate plusquam duo Christianorum millia in duram servitatem abstraxerint. Accesserat insuper admæstitiæ cumulum Cæsareorum clades, quam Georgius Ragotius novus Transylvaniæ usurpator Turcarum copiis suffultus, Esterhasio Hungariæ Palatino intulerat.

Sæc. XVII.
A. C. 1631.

Hh 2

§. XXVIII.